



ԵԿԵՂԵՑԱԿԱՆ ԲԵՄ. ԼՈՒՐԵՐ

Նույնքերի 1-ին, Երեքշաբթի.—Այսօր իր պաշտոնատեղին մեկնեց Ռումինիայի հայոց թեմի առաջնորդական փոխանորդ տ. Զարեն ծ. վրդ. Պարոնյանը, որը շուրջ քրսան օր ուխտավորաբար գտնվում էր Մայր Աթոռում:

Նույնքերի 2-ին, չորեքշաբթի.—Այսօր, կեսօրվա ժամը 12-ին, Վեհափառ Հայրապետին է այցելում Դամասկոսի հայոց թեմից հանրային գործիչ Վարուժան Սալաթյանը:

Նույն օրը Վեհափառ Հայրապետին է այցելում Եգիպտոսի հայոց թեմական խորհրդի անդամ Վահան Գավուկճյանը իր հարգելի տիկնոջ հետ:

Նույնքերի 6-ին, կիրակի.—Այսօր Մայր տաճարում ս. պատարագ է մատուցում տ. Հակոբ քհն. Հակոբյանը:

Ս. պատարագին ներկա էր Վեհափառ Հայրապետը:

Նույնքերի 8-ին, Երեքշաբթի.—Այսօր, կեսօրվա ժամը 12-ին, Վեհափառ Հայրապետին են այցելում լիբանանահայ հասարակական մի շարք գործիչներ, այդ թվում՝ պրոֆ. Բարունակ Թովմասյանը, Հարություն Մաղեյանը և Ավետիս Դեմիրճյանը:

Նույն օրը, երեկոյան ժամը 19-ին, Երևանի հայրապետական վիլլայում Վեհափառ Հայրապետի նախագահությամբ գումարվում է Գերագույն հոգևոր խորհրդի ներթափանց նիստը:

Նույնքերի 9-ին, Երեքշաբթի.—Այսօր Մայր Աթոռից և Վեհափառ Հայրապետից հրաժեշտ առնելով իր պաշտոնատեղին է մեկնում Դամասկոսի հայոց թեմի առաջնորդ տ. Ոսկան ծ. վրդ. Գալբակյանը:

Նույնքերի 13-ին, կիրակի.—Այսօր Մայր տաճարում ս. պատարագ է մատուցում տ.

Հովհաննես ավագ քին. Մարությանը և «Հայր մեր»-ից առաջ քարոզում՝ «Եւ մատուցեալ առ նա փարիսեցիքն փորձէին զնա և աւելին. եթէ արժա՞ն իցէ ումեք արձակել զկին իւր, ըստ ամենայն վնասու... Արդ, զոր Աստուած զուգեաց՝ մարդ մի մեկնեացէ» (Մատթ. ԺԹ 2—6) բնաբանով:

Ս. պատարագին ներկա էր Վեհափառ Հայրապետը:

*
* *

Նոյեմբերի 20-ին, կիրակի.—Այսօր Մայր տաճարում ս. պատարագ է մատուցում տ. Նշան քին. Բելլերյանը:

Ս. պատարագին ներկա էր Վեհափառ Հայրապետը:

*
* *

Նոյեմբերի 27-ին, կիրակի.—Այսօր Մայր տաճարում ս. պատարագ է մատուցում տ. Անանիա վրդ. Արաքաչյանը և «Հայր մեր»-ից առաջ քարոզում Ավետարանի հասկացողությամբ հայրենասիրական զգացումների մասին, Հայաստանում սովետական կարգերի հաստատման 57-րդ տարեդարձի առթիվ:

Ս. պատարագին ներկա էր Վեհափառ Հայրապետը:

Հավարտ ս. պատարագի Վեհափառ Հայրապետի նախագահությամբ տեղի է ունենում կառավարական մաղթանք Սովետական Հայաստանի 57-րդ տարեդարձի առթիվ:

*
* *

Նոյեմբերի 28-ին, երկուշաբթի.—Այսօր, երեկոյան, Երևանում, Այ. Սպենդիարյանի անվան օպերայի և բալետի թատրոնի շենքում, տեղի է ունենում հանդիսավոր նիստ՝ նվիրված Հայաստանում սովետական կարգերի հաստատման 57-րդ տարեդարձին:

Հանդիսավոր նիստին ներկա է լինում նաև Հայոց Հայրապետը:

Այս առիթով Նորին Արքայապետը ընկերակցում էին Արարատյան թեմի առաջնորդական փոխանորդ տ. Կոմիտաս արքեպ. Տեր-Ստեփանյանը, Մայր տաճարի լուսարարապետ տ. Հուսիկ եպս. Սանթրոյանը, Մայր Աթոռի դիվանապետ տ. Արսեն եպս. Բերբերյանը և, որպես գավազանակիր, տ. Մոմիկ վրդ. Սարգսյանը:

*
* *

Նոյեմբերի 29-ին, երեքշաբթի.—Այսօր հոգևոր ճեմարանի ուսանողությունը, Հայաստանում սովետական կարգերի հաստատման 57-րդ տարեդարձի առիթով, ճեմարանի ավագ վերակազմ տ. Արտակ քահանայի ղեկավարությամբ, մեկօրյա պտույտի է մեկնում Սարդարապատ և Մեծամոր:

*
* *

Նոյեմբերի 30-ին, չորեքշաբթի.—Այսօր, երեկոյան, Վեհաբանում տեղի է ունենում միաբանական հերթական հավաքույթ՝ Վեհափառ Հայրապետի ներկայությամբ: Տ. Մոմիկ վրդ. Սարգսյանը զեկուցում է կարդում «Վերք Հայաստանի» վեպի և նրա հեղինակ Խաչատուր Աբովյանի կյանքի ու գործունեության մասին:

